

經文：申命記 18:15-20；約翰福音 2:1-11

申命記是摩西五經 e 尙尾一卷。摩西佇冊內向以色列民又一擺提起當年上帝佇西乃山 kap in 訂 e 約，又曉諭 in 一切有關獻祭潔淨治安 e 律例典章。希臘、拉丁語稱做 Deuteronomy, 意思是「第二律法」，總是無次要 e 意思，是 beh 重申誠命 hò 以色列新生 e 一代。申命記是早期基督教著述引用 siöng chē e 經書之一。據統計，新約引用申命記有 80 擺以上，其中主耶穌 kap 門徒引用 38 擺。親像：耶穌所講 siöng 大 e 誠命（太 22:37；申 6:4-5；10:19）kap 耶穌佇曠野受試探 e 時，引用 e 三節經文 lóng 出佇 chia（太 4:4-10；申 6：13、16，8：3，10:20）。

摩西佇申命記一再提醒上帝佇西乃山 e 啓示，啓示 e 核心是「上帝 e 愛」。以色列百姓要謹記，In e 信仰是起造佇上帝 e 恩典 kap 誠命上面，將來進入應允之地了後，猶原要獨尊上帝，凡事感恩，chiah ē-tàng 一生受祝福。舊約預言基督 e 所在真濟，以今 á 日 e 經文 siöng 清楚。彼得 bat 佇使徒行傳 3:22-23 引用 chit 段經文將先知引向耶穌，歷代注釋家 mā lóng kā 先知看做是耶穌基督。佇以色列 e 歷史，先知有伊特殊 e 地位。◁-koh 上帝藉著摩西曉諭伊 e 百姓，講 chit 位親像摩西一般 e 先知是 tùi 上帝來 e（18:17-19），毋是人所設立 e。後來猶太教墮落到先知變成一種低賤 e 口舌行業，無使命感。雖然按呢，上帝 e 應允並無改變。

今 á 日是主顯節第三主日，主顯節原本是東方教會慶祝耶穌誕生 e 節日。佇希臘文「主顯」原意是：一位神顯現，hò 人 e 目睷 thang 看見。主顯節 siöng 早 e 記載是第三世紀。亞歷山大 e Clement 呼籲教會同齊慶祝主顯節，tùi án-ne 東方教會佇這工慶祝耶穌 e 誕生。Chit-e 慶祝「耶穌誕生」e 節日，後來 kap「耶穌受洗」連結作伙，koh 加上對耶穌佇迦拿「變水作酒」e 紀念。由第四世紀開始，羅馬天主教會固定佇十二月二十五日慶祝耶穌聖誕，佇正月初六慶祝主顯節，紀念耶穌 kā 家已顯示 hò 世間人 e 三個事件：三博士朝見耶穌、耶穌受洗 kap 耶穌變水作酒。我佇舊年主顯節 e 時講過：晉見新生王 kap 耶穌受洗，今 á 日 e 重點 khçg 佇耶穌變水作酒。到底耶穌這第一個神蹟有啥物特殊 e 意義？爲啥物約翰不按慣例 hò 咱提示？現在咱 tùi 三方面來看這 e 神蹟所 beh 表達 e 信息：

生命 e 轉變：以水變酒 e 重點無是佇奇蹟 e 本身，因爲神蹟~是信仰 e 基礎，是 beh hò 人知耶穌帶來新 e 生命。伊 e 救贖 kap 生命 e 改變有關係，人佇基督內底，是新 e 創造，是新造 e 人。其實上帝創造人類，是 ng 望咱佇 chit-e 世界 ē-tàng 活出 siöng 好 e 生命來，所以耶穌將水變作酒，是爲 tiōh ē-tàng kap 親戚五十同齊慶祝婚禮。真 chē 人誤解基督徒 e 社交 Kan-taⁿ 佇教會，又受教會 e 束縛，真 chē 代誌攏 Bē-sái 做，實在真無意思。奧古斯丁有一句話講：「愛上帝，然後就照你所歡喜 e 去作！」意思是，設使咱 e 所作是出佇愛上帝，那 án-ni 上帝歡喜，咱家已 mà 歡喜。所以基督教是有 çg 望，koh 有喜樂 e 宗教，因爲 chit 種歡喜是自佇內心。迦拿 chit-e 無名小鎮，chit

對新人只是普通 e 家庭，上帝 e 能力 kap 榮耀卻顯明佇 chit-e 平凡 e 家庭內底。下禮拜咱 tiōh 選新 e 長執，有 kōa 人自謙無能力，Bē-tàng 當長執。<-koh 受過當代 siōng 好、siōng 正統教育 e 摩西，當上帝呼召伊 e 時 chün，伊 mà 感覺不配。咱雖 bong 平庸，總是當咱邀請主來到咱生命內底，又願意 kā 家己獻上，互主使用 e 時，這 e 平凡 e 生命便 ò-tàng 顯出上帝 e 能力，變 kah 極不平凡，就 kah-ná 水變作酒全款，是愈服事愈甘甜 e 好酒。

koh-khah 好 e 福分：人著重外表，總是將尙好 e 擺出來。佇咱生活中常常 e tú-tiōh 親像找頭路、做 seng-lí 或是談戀愛等等。以婚前 kap 婚後作例：有一位太太講 in 戀愛 e 時，phah 一個嘖嘖，男朋友就馬上開半小時 e 車來看伊。現在我生病 ka 伊講，伊竟然叫我家己去看醫生。濟濟結婚 e 人攏 bat 懷疑家己是毋是找毋錯對象。Kap 人交往 mà 是全款，平時交陪好好，tú-tiōh 利害關係 e 時人 e 本性就會顯露出來。總是咱 kap 上帝來往就毋是按呢，佇教會內，咱講婚姻是聖禮，我結婚 e 時，想講是疼 hò 阮結合作伙，經過 25 年 e 生活，我曉悟是婚姻教我啥物是疼，疼是值得咱用一生 e 時間 kap 精力去經營，去學習付出家己。咱 kap 上帝 e 關係 mà 是按呢，舊約聖經不斷提起上帝 kap 伊 e 選民締結婚姻 e 事件，雖 bong 百姓一再不忠貞，上帝總是耐心提出伊 e 應允。親像 chí 時迦拿婚宴已經開始，突然間無酒 ah，婚宴續無法度慶祝下去。Chit 時耶穌出現，伊將水變作上等 e 好酒。那管筵席 e 稀奇問新郎講：「人 lóng 是事先排好酒；到人 lim choe-choe, chiah 用 khah 次 e；獨獨你留好酒到 chit-tiáp！」原來這場筵席真正 e 新郎是耶穌！當耶穌呼召咱，咱 mà 願意跟伊 e 時，koh 返頭回來看咱人生 e 每個時陣，你就會親像 hit 位管筵席 e，驚異地問耶穌講：獨獨你留好酒到 chit-tiáp！

顯出伊 e 榮耀來：當耶穌行水變酒 e 神蹟，kan-taⁿ 佣人，老母和學生知影，雖 bong 耶穌講：「我 e 時刻 iáu 無到」，總是為 tiōh 憐憫別人 e 需要，伊 iáu 是改變計畫。約翰講：「chit 項事顯明伊 e 榮耀；伊 e 學生 lóng 信了伊。」(v.2:11) 有 e 解經家認為這是最後晚餐 e 預表，佇最後晚餐伊將酒變成血，伊家己為全人類所流 e 血，所以榮耀是指耶穌 e 死 (11:4；17:1-5)。耶穌毋是用強權、制度或是暴力來建立天國，耶穌為拯救世間人，獻上家己，為咱 e 罪互釘十字架，所以耶穌 e 死 kap 榮耀 ài 相提並論。耶穌道成肉身為 tiōh 卑微 e 咱，將家己生命獻上，這實在是 siōng 大 e 榮耀。

耶穌 e 頭一個神蹟可能是 siōng 奇怪 e 一 e 神蹟，以後 mà 無類似 e 情形，對耶穌來講可能 mà 是毋拍算 e。C. S. Lewis 認為這是提醒咱上帝 e 慈悲 kap 恩典，上帝創造自然世界，一切萬物 lóng 是好 e，親像咱佇生活中所發生 e 代誌，咱 tàng 享受大自然 e 氣息，lóng 是神蹟。神蹟無時無刻無佇 e 發生，真 chē 人看習慣大自然，又有上帝賞賜奇妙 e 身軀，就無掠上帝 e 創造作希奇，伊賜 hò 咱新 e 生命，ài 咱心存 ng 望，靠主喜樂。Chit 種改變毋是表面 e，是生命價值 e 改變。耶穌 e 恩典是取之未盡，只要咱願意獻上家己，追隨主耶穌 e 腳步，就 ò-tàng 喝著上帝水變作酒 e 滋味！